

雜綴

孫志熊撰 菱湖鎮志卷四十四

蔣超伯麗濬蒼錄吳开莫儔皆烏程人皆進士及第一开翰林承旨儔翰林學士凡金人一切搜括逼遷等事皆开儔將命而王時雍徐秉哲行之人稱時雍爲賣國牙郎目开儔爲販國美牙金人索教坊妓女女皆垢面稱病秉哲預置釵冠鮮衣令膏沐粉黛盛飾登車送至金營上皇幼子僅朞歲從乳媼藏民間秉哲亦搜之出自初破城至金人去凡五月一切徵索皆开儔等經營之自旦至暮指顧唱呼不勝其勞人皆服其材而歎其悖二帝既廢貽書开儔秉哲

菱湖鎮志

卷四十四 雜綴

云社稷山河爲卿等所誤某父子成擒矣勉事新君無思舊主及邦昌避位時雍猶力爭之曰騎虎者勢不得復下高宗卽位治僞命逆臣時雍秉哲开儔皆安置遠州時雍秉哲不足責可惜吳开莫儔狀元二字掃地耳

名臣言行錄蔣恭靖公瑤守揚州一日出有羣兒放紙鳶線挽公帽墜地左右欲撻之公曰幼兒勿驚怖也有婦人樓窗潑水濺公衣公以手拂拭之竟無所言比歸左右縛其夫至公責之曰我無命爾乃自縛人耶同人訝公太恕公曰吾非好名也此婦誤耳因

誤而責其夫彼必歸與婦競吾不忍也至於錢糧刑獄稽考精密曾無一毫假借故所至人皆服其得體西山日記蔣恭靖公有一老友貧而落魄恭靖於雪中徒步至出三金贈之作竟日談方去○公八十外繼娶一夫人年始艾一日早粧公從後窺之婆婆之影落鏡中夫人悲泣不自勝公攜之膝上以好語慰藉之後舉一子一女盛德之報也

明詩綜詩話康陵南巡近侍希帝意欲刷民間女子蔣恭靖公守揚語江彬等曰揚州女子少不便奪之無已則知府一女在得旨斯進耳乃罷彬等繫恭靖

菱湖鎮志

卷四十四雜錄

二

于舟中

菱湖輯相傳駕旋時恭靖爲彬等繫于舟中三日不食驅令送駕所騎馬受奪止攜一被墊驢背夜則寢焉抵臨清徒跣行岸上康陵遙望見之曰是蔣知府邪可速遣還方得免維揚人感之入醵春秋尸祝至今恭靖以宮保尙書予告林居者二十年入峴山社詩不多作惟丙午秋社一律僅存和我齋半溪聯句韻湖上閒居繫遠心羣公蘭楫幾回臨衣冠聚處多鄉里存歿筵前換古今野寺浮橋烟樹暝斷碑斜日蘚苔侵從教津鼓催歸數且倚窪尊亭柱吟

俟之道光九年己丑三月朔同人往謁歸而記此

楹聯曰弗私片紙弗歛一夫允矣民之父母不畏
權璫不阿悍弁誠哉國有循良聯語按切四事皆
見明史及湖郡揚郡志傳權璫爲吳經邱得悍弁
謂江彬史傳有旣歸僻處陋巷云云蓋謂里中新
街牌樓頭一帶也

龐志陳文舉與貝瓊觴咏瓊寄詩云秀州西去湖州
近幾處樓臺罨畫間借我釣魚舟一葉坐看七十二
青山昔年我欲醫君癖今日君應笑我狂一曲雲林
天定許野猿山鳥未能忘

菱湖鎮志

卷四十四雜錄

四

思溪記事孫屏石先生銓幼穎敏特異凡兒始就外
傳授小學尊嚴東園翁問兒讀至何處曰殺猪何爲
卽命之對應聲曰叩馬而諫公訝孺子何從聞對曰
於旁舍讀書兒頃號聞而私識之也

見聞雜記吾湖萬厯間仕宦享上壽者二人副憲茅
公坤嘉靖甲午舉人戊戌進士至萬厯辛丑冬九十
而逝副憲孫公銓嘉靖丁酉舉人戊戌進士至萬厯
壬寅九十尙强健茅闕大不拘細節孫謹飭勤有成
法材品不同其享大年一也

朱國禎湧幢小品我湖茅鹿門坤孫屏石銓皆嘉靖

戊戌進士皆憲副皆九十餘皆多子皆過後戊戌數年

菱湖輯費知州鏜新構屋居一夜夢有客來刺名孫銓延其入坐客居主位知州反居客位及寤深爲怪異因起倚門閒眺見一兒抱書赴塾約八九歲相貌異人取其書署名則孫銓也後知州故居果爲觀察所得

孫銓渠塘閑草丁丑三月廿六日擷芳亭新植紅牡丹一萼忽發雙花漫賦短章以紀其異並蒂名花世所稀一枝濃豔鬪芳菲爲憐三月春如海雙倚東風

菱湖鎮志

卷四十四雜綴

五

駐落暉

湧幢小品陸綸字理之號南洋歸安人爲雲南太守一日之野有鸚鵡向前哀鳴忽墮地則赫然死人也就而視之已復爲鸚鵡呼老嫗問故家先殺人瘞屍鸚鵡籠下掘之如生亟召其子孫昇以殺人者四境誦若神明

龐汝寵遺安堂詩集讀菱湖諸先輩詩有感附諸先輩姓名履歷趙孟頫元末人丁文瑞號希白正德間茂才丁文祥號夢白宏治間茂才趙灤字懷成號南村又字楚狂別號支離子孫舜卿號漸齋別號棘崖

吳廉字介夫號我齋吳正字時守號西橋楊橋字一初布衣費鏜字振伯號東湖鄒蒙號山泉邱吉字大祐布衣寓居菱湖著有執柔集應駿字千里布衣著有柳窗小詠陳耕號夢林布衣

孫汝馨蘭江隨筆卜副使汝梁家藏頭髮盤龍帳摺疊不滿一尺挂於床上長闊均二丈寬一丈

后溪遺集斗翁屢試不遇然文日益有名著述甚富八十二歲應己卯鄉試幾得而復失遂罷舉謁選四川達州同知有惠政三載報最擬擢別駕翁慨然曰牛刀一試於鳬雁矣將再試之於雉兔乎遂致爲臣

菱湖鎮志

卷四十四 雜錄

六

而歸又垂十年乃卒翁名懋燕

楊園先生年譜張履祥號楊園桐鄉人崇禎十三年館菱湖丁友聲家友聲家素裕時歲大饑供膳過豐履祥對案不食命減饌勸友聲賑卹餓殍訓門人曰大荒之後必有大亂宜讀經濟書宴安於膏粱大不可

紀事詩注按菱湖土語亦有所本如作事不好曰齷齪見漢書寧可曰耐可耐音能見李白詩罵人曰老狗見漢武故事雜種見晉書聆言不省曰耳邊風見杜荀鶴詩微暖日溫暾見王建及白樂天詩急躁曰

不耐煩見庾炳之傳呼女曰丫頭見劉禹錫詩加笄
日上頭見花蕊夫人宮詞利市見易說卦難爲人見
表記分付見漢書當日見晉語料理見王徽之傳長
進見和嶠傳消息見魏志功夫見王肅傳手下見太
史慈傳牢固見陸抗傳鄭重見漢書分外見魏志本
分見荀子本色見唐書收拾見光武紀不中用見史
記十八九見漢書合少成多見中庸註前定見中庸
有瓜葛見後漢書天然見賈逵傳新鮮見太元經現
錢見漢書不循理者曰黷見文選營生曰經紀見唐
太宗勅點心見唐史自誇曰賣弄見南史訓戒人曰

菱湖鎮志

卷四十四雜綴

七

受記見夷堅志戲謔爲陶纖見唐詩白醪醪見越語
新簇簇見世說光緻緻見唐詩光蕩蕩見史記骨都
都見元曲厚蟄蟄薄鬆鬆圓袞袞硬綳綳俱見唐詩
死搭搭見朱子語錄冷清清見傳燈錄寒痒痒見費
冠卿詩濕齏齏見康與之詞石辟辟見素問虛飄飄
見蘇詩花簇簇見續燈錄勃騰騰見軒渠錄亂董董
見朱子語錄白鄧鄧文傷傷見元曲醉醺醺見唐詩
他如羽爲以緣爲言打爲黨鬚爲蘇猪爲知之類其
音大概雜出於商與徵之間至於求酌逢搖及絲行
隨時更換市語全無意義也

池北偶談歸安孫司空在豐年十六入庠適雄雞生卵而學書未聞家人疑不祥以雞作供而投卵于湖孀氏聞之惋惜曰此佳兆也姪他日必中狀元庚戌以第二人及第孀氏之言不謬矣說鈴所載同

余金熙朝新語康熙庚戌一甲一名德清蔡宮贊啟傳二名德清孫司空在豐三名長洲徐司冠乾學卽于是年十二月

召對宏德殿卽日被

命同直南書房又同主順天鄉試爲鼎甲盛事

又孫司空在豐充講官時扈

菱湖鎮志

卷四十四雜綴

八

駕南苑園內有麋笑出

上以

御用弓矢授在豐射得之

上大喜顧大臣曰孫在豐文武材也

又孫侍郎在豐官侍講時

上命講性相近也對曰性本聖愚一樣但此論義理之性若氣質之性便不能一樣

上曰義理氣質有兩箇性乎對曰義理卽在氣質之中二者一也

上嘉賞之

吳興詩話孫在豐扈

駕南巡至蘇州

上傳諭云湖州去此不遠可往省親瀕行復

諭汝來不必至江寧第於淮揚詣

行在其金陵名勝有應留名處汝係從官必爲爾題

名也徐倬魏象樞高士奇均有詩

鶴徵後錄潛村癸巳會試第一其第二名爲黃文虎

時有龍虎榜之目學極該洽詩亦清超拔俗後復薦

充

咸安宮總裁令洪洞頗有政聲纂訂四書大全乃其

菱湖鎮志

卷四十四雜綴

九

掌教雲南五華書院時所輯故以五華爲名

詞科掌錄孫見龍叶飛爲少司空在豐姪也與竹溪

沈幼牧皆少宗伯嚴我斯之婿由庶常出令青浦以

事去總督奉天高公俾合兩江徵士試于白下題爲

時雨賦叶飛爲第一

按掌錄內載叶飛
紫薇花賦一首

袁枚隨園詩話余試鴻詞報罷蒙歸安吳小眉少司

馬最爲青盼五十年來其家式微今年遊粵東過飛

來寺見先生題詩半山亭讀之如重見老成眉宇先

生諱應棻弟諱應枚封君夢蘇眉山兄弟而生故一

字小眉一字小穎小眉巡撫湖北平反麻城冤獄爲

海內所稱小穎官至奉天府尹

張庚畫徵錄吳應茶好寫墨竹嘗於扇上作竹石小景錢主敬題一絕云澹煙濃墨掃雲腴胎脫東坡鳳尾圖又見蟹爬沙滿紙千秋一炷屬菱湖

蔣澗藝苑名言丙寅九日隨沈蕙圃師登里中奎章閣老僧煮菱烹茗以進師口占一絕落句云菱熟茶香風味美不須重待白衣來本色語饒有風致蕙圃名祖彬

王炎虛牝雜識康熙癸巳閏五月二十九日申刻有龍自北蜿蜒或高或下至三角漾以尾垂河吸水漾

菱湖鎮志

卷四十四雜綴

十

爲之涸

紀昀槐西雜志房師孫端人先生文章淹雅而性嗜酒醉後所作與醒時無異館閣諸公以爲斗酒百篇之亞也督學雲南時月夜獨飲竹叢下恍惚見一人注視壺琰狀若朶頤心知鬼物亦不恐怖但以手按琰曰今日酒無多不能相讓其人瑟縮而隱醒而悅之曰能來獵酒定非俗鬼肯向我獵酒待我亦不薄奈何辜其相訪意市佳釀三巨盃夜以小几陳竹間次日視之酒如故嘆曰此公非但風雅兼亦狷介稍與相戲便涓滴不嘗幕客或曰鬼神但歆其氣豈眞

能飲先生慨然曰然則飲酒宜及未爲鬼時勿將來徒歆其氣先生姪漁珊在福建學幕爲余述之覺魏晉諸賢去人不遠也

又灤陽續錄酒有別腸然八九十年來余所聞者顧俠君前輩稱第一繆文子前輩次之余所見者先師孫端人先生亦入當時酒社先生自云我去二公中間猶可著十餘人端人先生恆病余不能飲曰東坡長處學之可也何併其短處亦刻畫求似及余典試得臨溪以書報先生先生覆札曰吾再傳有此君聞之起舞但恨君是蜂腰耳前輩風流可云佳話

菱湖鎮志

卷四十四 雜綴

十一

虛北雜識余外祖開典於菱湖鎮得一香爐蓋有十二孔某時香從某孔出想定時爐也

阮元兩浙輶軒錄王標字滙東號立齋歸安人仁和諸生王立齋贈公其先世自休寧遷居歸安之菱湖諸父羣從官郎署任道府以下者若而人公獨涵醕抱素績學能文且善書工詩爲名流鑒賞有子四人稟承家學攻苦益力乾隆乙卯季子以錕舉南宮第一三子以銜第二遂魁天下科名盛事不但桑梓豔之也絮吳羹詩選范少司空約齋先生與予少同學爲貧交嗣後雲泥闊絕者二十餘年迨返初服卜

居潯溪造謁仍如平生歡因得晤其快婿龍湖王君
英年績學揮塵霏屑知其腹有詩書先生乃屬出吟
豪相質雅健雄深殊不類少作因亟錄之

楹聯叢話費西墉京兆錫章以召試舉人歷登清要
中年興高采烈晚乃漸識夷塗嘗於書室中自撰一
聯云酒闌興倦事往情遷祇不忘遊過名山別來舊
雨春去人歸人老難復更休詫殿前起草海外題詩
蓋京兆久爲軍機章京以才望著名及居練垣又曾
奉命充冊封琉球使者也

三刻坐花誌果王文簡公以銜與其弟以錫爲諸生

菱湖鎮志

卷四十四雜錄

十二

時有聲庠序間爲學使寶東皋先生所賞一時稱爲
二王鄉捷後同應乙卯會試寶爲總裁首題民之所
好好之二句寶爲學使時按臨湖屬詣學講書至此
節別有心解至是適以之命題通場惟二三解與已
意合及揭曉以錫得會元以銜第二下第者遂多浮
議時和相當國以寶骨鯁不附已思有以中傷之聞
之大喜遽以上聞 純廟爲所動謫寶官而逐以錫
回籍讀書及廷對日文簡公念師干吏議弟被放逐
鬱鬱不得志僅以澹墨書卷潦草終場無復奢望適
和相有館師亦於是年中進士和囑之曰子殿試日

君迎看帝城花

鄧汝調屏風集歸安孫孝廉沅亭暨子太學羨門明經蘇門俱工詩海內稱之各有專集朱太史海峴作序琳瑯珠玉萃於一門真韻事也

秀溪表微錄汪雙園當潭人靈川族姪行文不落俗徑遇愈窮而志愈堅死而後已以故抑塞不平之氣發之于詩禪起無人詩亦散佚其僅存者有雪美人三十律○宋大年里中稱為愿人平生以惜字為重至老不倦子邦榮中乾隆己丑進士○宋毓珍字藕船貢生博通經學不苟為炳炳瑯瑯授業里中出其

菱湖鎮志

卷四十四雜錄

十四

門者無不破壁飛去如毛閣學謨孫觀察憲緒皆其門下士也子之燮乾隆丁酉舉人○周認三操舟為業見字紙則謹為收貯長齋念佛祀佛彌虔易簣時遠近聞鼓吹喧闐香烟繚繞里人遂祀為鳳林土地○潘勳字恭先累世書香高風寒素課弟子以清新刻露為宗不事雕飾以廩生貢入成均工詩賦甫脫稿即散軼纂錄漢魏叢書十餘種正其謬誤加以評論藏之家其從弟承熙字蓉初諸生善擘窠大字游幕四方○王之鉞字炳南廩生吶吶寡言致力於經史為里中知名士

菱湖鎮志

卷四十四雜綴

十五

孫志昂校勘

